



Reero abaserukare baahamisa eibaare ryakingire ekituuro akamanyiso, baakirinda.

19



Kuri okuziikwa kwabaire kuri omuheru gw'ebya Yesu, kikaabaire eky'obusaasi. Beitu Ruhanga akakora ekintu kirikutangaaza. Yesu tarajundiire mu kituuru.

20



Kare butakasesire aha kiro ky'okubanza omu Saabiiti, bamwe aha beegi ba Yesu bakashanga eibaare eryabaire rikingire ekituuru rihirweho. Ku baaringuriize omu kituuro, baashanga Yesu atarimu.

21



Kwonka omukazi omwe akatsigara aha kituuru, naarira. Yesu yaamweyoreka; nawe yairukanga, yaagambira abandi beegi. "YESU AHURIIRE! AZOOKIRE!"

22



# Ekero ky'okuzooka kya Mukama waitu

Omwanya mukye ku gwahingwireho, Yesu yaija yaahika abeegi be, yaabooreka enkojo z'omu biganja bye. Buzima, YESU AKAZOOKA! Yaasaasira Petero ahabw'okumwehakana, yaabaragiira okugambira abantu boona ebi barikumumanyaho. Atyo yaagaruka omu iguru ei yaarugire atakazairwe mu nsi.

23

Ekero ky'okuzooka kya Mukama waitu  
Ebi bihirwe omu Kigambo kya Ruhanga, Baibuli

bishange omu

Matayo 26-28, Luka 22-24,  
Yohaana 13-21

"Ebigambo byawe ku bishuururwa bireeta omushana." Zaaburi 119:130

Ekahandiikwa Edward Hughes  
Ebishushani bikateerwa Janie Forest

Ekahindurwa Z. Kabaza  
Ekateekateekwa Lyn Doerksen

Ekitebyo 54 aha 60

M1914.org

Bible for Children, PO Box 3, Winnipeg MB R3C 2G1 Canada

Noobasa kukopoorora nari okuteera omu kyoma akatabo k'ebigambo ebi, kwonka torikwikirizibwa kukatunda.


Ruhanga naamanya ku turi abasiisi, nitukora ebibi. Ebihembo by'ekibi n'okufa.

Ruhanga atukunda munonga, nikyo yaayohereze Omwana we, Yesu, kutufeera aha musharaba okuba omutango gwaitu. Akazooka yaagaruka omu Iguru! N'ahabw'ekyo Ruhanga naabaasa kutusaasira ebibi byaitu.


Ku oraabe nooyenda kweteisa ebibi byawe, shaba Ruhanga oti: Ai Ruhanga, ninyikiriza ku Yesu yanfeereire akazooka, hati ariho. Ninkweshengyereza oiye omu magara gangye, kandi onsaasire ebibi byangye, mbone kugira amagara masya, bwanyima ntaathe naiwe ebiro byona. Ompwere ngyende n'omwana waawe. Amiina. Yohaana 3:16

Shoma Baibuli ogambe na Ruhanga buri Izooba.

Runyankore




Omukazi akeemerera aha bukiika bw'akagongo kaabaire kariho abantu barikuyogoorekana aine obusaasi ahabw'akagwe kaamugwereire. Omutabani akaba naakaba. Manya akaba ari Mariamu, ayemereire haihi n'ahu baabambire Yesu aha musharaba.



Eki kkaruga hi? Kikaruga hi Yesu omuntu murungi atyo okwitwa kubi okurikwingana kutyo? Kikarugiirira hi Ruhanga okwikiriza Omwana we okubambwa aha musharaba akafeeraho? Yesu aine eki yaashobize omu kwegambaho oku ari? Ruhanga akaremwa?

1

2




Ngaha! Ruhanga tararemirwe. Yesu akagabwa naamanya ku yaabaire naaza kwitwa abantu ababi. Hoona n'obu yaabaire akiri omwereere, omugurusi Simeoni akagambira Mariamu ku aricumitwa obusaasi omu bunaku bw'omu maisho.

3




Ebiri bikye Yesu atakaitwirwe, omukazi omwe akaija yaashuka amajuta g'omugaju aha bigyere bye. Abeege be bakeetomboita nibagira bati: "Amajuta aga gaafa ki?" nibateekateeka ngu akashiisha sente. Kwonka Yesu yaabagira ati: "Yaakora gye. Yaakikora ahabw'okunteekateekyera okuziikwa". Ebyo nibitangaaza.

4




Bwanyima y'ekyo, Yuda, omwe aha beegi ba Yesu eikumi na babiri, yaaza omu banyamurwa abakuru, yaaragaanisa kureebya Yesu, baamuha ebicweka by'efeeza makumi ashatu.

5



Aha kiro ky'Abayudaaya eky'Okuhingurwaho, Yesu akarya n'abeege be ekiihuro eky'aha muheru. Akabagambira ebintu birikutangaaza ahari Ruhanga, n'ebyo ebi yaaraganiise boona abamukunda. Atyo yaabaha omugaati n'ekikopo kubagana. Ebi bikaba biri eby'okuguma nibibajutsya ku omubiri gwe n'eshagama ye byahairweyo ahabw'okusaasirwa ebibi.

6




Atyo Yesu yaabagambira eby'okumureebya, kandi ku nabo baabaire nibaija kuhunga. Petero ati: "Tindihunga". Yesu yaamugarukamu ati: "Enkoko etakagambire, noiya kuonyehakana kashatu."

7




Bwanyima, ekyo kiro, Yesu yaaza omu mwanya gurikwetwa Gesesemaani kushaba. Abeege abaabaire bari nawe baagwejegyera. Yesu yaashaba ati: "Taata, onyihoho ekikopo eki. Kwonka kirekya kuba nk'oku ndikwenda, kureka iwe oku orikwenda."

8



Ahonaaho omutwe gw'abantu gwaija omuri ogwo mwanya, gwebembeirwe Yuda. Yesu tareerwaineho, kwonka we Petero yaatema omushaija omwe, yaamucwaho okutu; beitu Yesu we yaakora aha kutu kw'ogwo mushaija, yaamukiza; ahakuba akaba naamanya ku Ruhanga yaikiriize bamukwate.

9



Gutyo omutwe gw'abantu ogwo gwatwara Yesu ow'omunyamurwa omukuru. Abeebebezi b'Abayudaaya baagira ngu Yesu ashemereire kufa. Petero we akaba ari haihi, ayemereire n'abambari naayota omuriro, ngu areebe oku biraabe.

10



Kashatu abantu bakoomesereza Petero nibagira bati: "Obaire ori hamwe na Yesu"; kwonka Petero yaahakana egyo mirundi yonshatu, nk'oku Yesu yaabaire agambire. Nangwa n'okukyeena, yaakyeena, kandi yaarahira.


11



KOO-KOKO-RIIKO!


Ahonaaho enkoko yaagamba. Petero yaamanya ku Ruhanga yaabaire naagamba nawe. Yaijuka ebigambo bya Yesu, yaarira munonga.

12




Yuda akeefuza eki yaakozire. Akaba naamanya ku Yesu yaabaire ataine rubanja rw'ekibi kyona, yaagarurira abanyamurwa ebicweka by'efeeza makumi ashatu, kwonka baayanga kubyakiira.

13




Atyo Yuda yaatambika ebicweka by'efeeza omuri hekalu, yaashohora, yaagyenda, yaayehanika.

14




Abanyamurwa bakatwara Yesu owa Pilaato, omutegeyeki Omuruumi. Ahanyima Pilaato yaabagira ati: "Tindikureeba rubanja aha mushaija ugu". Kwonka omutwe gw'abantu gwagira guti: "Mubambe! Mubambe!"

15



Bwanyima Pilaato yaikiriza, yaacwera Yesu orubanja ngu ahanikwe aha musharaba. Abaserukare bakateera Yesu entomi baamucwera amacwante aha maisho, baamuteera. Baaruka ekirunga ky'amahwa maraingwa baakiigatira aha mutwe gwe, baamubamba aha musharaba gw'ebiti ngu afeereho.

16



Obutoosha Yesu akaba naamanya ku arifa atyo. Kandi akaba naamanya ku okufa kwe kwabaire nikuza kureetera abasiisi abarimwesiga kusaasirwa. Abambuzi babiri bakabambwa nawe, omwe aha rubaju rwa buryo, n'ondiijo aha rwa bumoso. Omwe aharibo akaikiriza Yesu, yaaza omuri Paradiiso. Ondiijo taraikiriziye.

17



Ahanyima y'eshaha z'okuhururwa n'okubonabona kwingi, Yesu yaagira ati "Kyahwa!" yaakaba. Atyo yaacheza omurimo gwe ogwamureetsire; banywani be baamuziika omu kituuru ky'omwe aharibo.

18